

# 《無量壽經優婆提舍願生偈》 補充講表

## ◎附表三

○盡十方無礙光如來，即是依彼如來名，如彼如來光明智相讚歎。

※《占察善惡業報經義疏》云：「諸佛菩薩真實功德，通別名號，並由證真實性，稱性所

成緣起作用，能與眾生作增上緣。眾生不了，計有心外佛菩薩名，

即為淨分分別性攝。若知名號，是我自心所現相分，即為淨分依他

性攝。能於一切時處常勤誦念，勿令間斷，則心不散亂，名為妙止；

名號歷然，名為妙觀，便可助顯唯心識觀，兼有滅障勝功能矣。」

◆三性：遍計所執性、依他起性、圓成實性（蛇、繩、麻）。依他起即是因緣所生法。

○真實功德相（以下糅合《往生論註》）

◆有二種功德：一者、從有漏心生，不順法性。所謂凡夫人天諸善，人天果報；若因若果，

皆是顛倒，皆是虛偽，是故名不實功德。二者、從菩薩智慧清淨業起，莊嚴佛事，依法性入清淨相。是法不顛倒，不虛偽，名為真實功德。

◆云何不顛倒？依法性，順二諦故。云何不虛偽？攝眾生入畢竟淨故。

※《圓覺經》·淨諸業障菩薩云：「一切眾生從無始來，妄想執有我、人、眾生，及與壽命，認四顛倒，為實我體，由此便生憎愛二境。於虛妄體重執虛妄，二妄相依，生妄業道；有妄業故，妄見流轉。」

#### △四、觀察門

※《觀經四帖疏》卷三云：「行者等若不識彼境光相者，即看此日輪光明之相。若行住坐臥，禮念憶想，常作此解。不久之間，即得定心，見彼淨土之事快樂莊嚴。為此義故，世尊先教作日想觀也。」

又云：「寶地眾多，光明無量，一一光等，化作光臺，遍滿空中。行者等行住坐臥，常作

此想。」

又云：「又此樹量彌高，縱廣彌闊。華果眾多，神變非一。一一樹既然，遍滿彼國所有諸樹之果眾多，盡皆如此，應知。一切行者，行住坐臥，常作此想。」

又云：「此明諸行者等，行住坐臥，常緣彼國一切寶樹，一切寶樓華池等。若禮念，若觀想，常作此解也。」

宗旨  
一、增長信解（種子起現行，現行薰種子）：為信願與持名念佛的增上緣。  
二、心生則種種法生（如信、進、念、定、慧五根乃至三十七道品之善法漸漸生起）。  
三、對治攀緣心（妄想雜念）。

四、有助於般若智的增長（泮冰法，去翳法，空諸所有）。

五、不易被煩惱所轉：如懺公開示蓮華開合觀：觀想坐在蓮華中，觀蓮華之開、合，是清淨，微妙香潔的，所以觀蓮華開合，能役使我們的心，而不被心（十使煩惱）所搖動。

○觀彼世界相，勝過三界道。（以下糅合《往生論註》）

◆此二句，即是第一事，名為觀察莊嚴清淨功德成就，此清淨是總相。佛本所以起此莊嚴清淨功德者，見三界是虛偽相，是輪轉相，是無窮相，如虱（讀音尺）蠖（讀音或，屈伸蟲）循環，如蠶繭自縛。哀哉眾生！締此三界，顛倒不淨。欲置眾生於不虛偽處，於不輪轉處，於不無窮處，得畢竟安樂大清淨處，是故起此清淨莊嚴功德也。

◆觀者，觀察也。彼者，彼安樂國也。世界相者，彼安樂世界清淨相也，其相別在下。勝過三界道：道者，通也。以如此因得如此果，以如此果酬如此因。通因至果，通果酬因，故名為道。

○究竟如虛空，廣大無邊際。（以下糅合《往生論註》）（陁：謂山形連延中忽斷絕者。）

◆此二句，名莊嚴量功德成就。佛本所以起此莊嚴量功德者，見三界狹小，墮陁（音行）陪陁（音賭），或宮觀迫迮（音則），或土田逼隘（音礙），或志求路促，或山河隔障，

國界分部。有如此等種種舉急事，是故菩薩與此莊嚴量功德願，願我國土如虛空，廣大無際。如虛空者，言來生者雖眾，猶若無也。廣大無際者，成上如虛空義。何故如虛空？以廣大無際故。（陪：重疊的土堆。階：謂在水中高而平，如水中小州。）

※《佛說無量壽經》：「其諸聲聞菩薩天人，智慧高明，神通洞達，咸同一類，形無異狀，但因順餘方，故有天人之名。顏貌端正，超世希有，容色微妙，非天非人，皆受自然虛無之身，無極之體。」

○正道大慈悲，出世善根生。（以下糅合《往生論註》）

◆此二句，名莊嚴性功德成就。佛本何故起此莊嚴？見有國土，以愛欲故，則有欲界。以攀厭禪定故，則有色無色界。此三界皆是有漏邪道所生。長寢大夢，莫知惺（惺：思念）出。是故興大悲心，願我成佛，以無上正見道，起清淨土，出於三界。

※《佛說無量壽經》：「設我得佛，國中天人，若起想念貪計身者，不取正覺。」：第十願

◆正道大慈悲，出世善根生者，平等大道也。平等道，所以名為正道者，平等是諸法體相。以諸法平等，故發心等；發心等，故道等；道等，故大慈悲等。大慈悲是佛道正因，故言正道大慈悲。慈悲有三緣：一者、眾生緣，是小悲。二者、法緣，是中悲。三者、無緣，是大悲，大悲即出世善也。安樂淨土，從此大悲生故，故謂此大悲為淨土之根，故曰：出世善根生。

※《金剛經》云：「須菩提！我於阿耨多羅三藐三菩提，乃至無有少法可得，是名阿耨多羅三藐三菩提。」

◆善根：《大乘起信論裂網疏》卷五：「行十善道者，世間善根力也。厭生死苦者，出世善

根力也。求無上覺者，出世上上善根力也。此三善根，前不具後，後必具前。必須具三善根，方得信成就也。」

○淨光明滿足，如鏡日月輪。

◆此二句，名莊嚴形相功德成就。佛本所以起此莊嚴功德者，見日行四域，光不周三方。庭燎（火燭）在宅，明不滿十仞。以是故起滿淨光明願，如日月光輪，滿足自體。彼安樂淨土，雖復廣大無邊，清淨光明無不充塞，故曰「淨光明滿足，如鏡日月輪。」

※漢譯本《佛說無量清淨平等覺經》卷第三：「極樂世界，其日、月、星辰皆在虛空中住止，亦不復迴轉運行，亦無有精光，其明皆蔽不復現。」

○備諸珍寶性，具足妙莊嚴（以下糅合《往生論註》）

◆此二句，名莊嚴種種事功德成就。佛本何故起此莊嚴？見有國土，以泥土為宮飾，以木石為華觀。或雕金鏤玉，意願不充。或營備百千，具受辛苦。以此故興大悲心，願我成佛，必使珍寶具足，嚴麗自然，相忘於有餘，自得於佛道。

◆性者，本義也。能生既淨，所生焉得不淨？故經言：「隨其心淨，則佛土淨。」是故言「備諸珍寶性，具足妙莊嚴」。

### △第三十二願：寶香妙嚴

※《佛說無量壽經》：「設我得佛，自地以上，至於虛空，宮殿樓觀，池流華樹，國土所有一切萬物，皆以無量雜寶、百千種香而共合成。嚴飾奇妙，超諸天人。其香普薰十方世界。菩薩聞者，皆修佛行。若不爾者，不取正覺。」

※《佛說無量壽經》云：「若欲食時，七寶鉢器自然在前。金、銀、琉璃、硨磲、瑪瑙、珊瑚、琥珀、明月、真珠，如是眾鉢，隨意而至。百味飲食，自然盈滿。雖有此食，實無食者，但見色聞香，意以為食，自然飽足。身心柔軟，無所味著。事已化去，時至復現。……佛告阿難：無量壽國，其諸天人，衣服、飲食，華香、瓔珞，繒蓋、幢幡、微妙音聲，所居舍宅、宮殿、樓閣，稱其形色，高下大小，或一寶二寶，乃至無量眾寶，隨意所欲，應念即至。」